



kol.komp.

6049—6051

Augustianie

f



Aug. 6049 - 6051

Kupitem Dps. Milowkugr

za 11 Ltr. 50 A. 5. 5/11 886

Ko. A. Sutor

[Faint, illegible handwriting at the top of the page, possibly a title or header.]



[Faint, illegible handwriting at the bottom of the page, possibly a signature or footer.]

1493. ^{1067.} L I L I V M ¹³
B O N E R I V M

Candore Innocentiæ, Odore pie-
tatis ac scientiæ, Virtute prodigiorum,

I N C L Y T V M.

Anniuerfaria Solennitatis Die,

Eximij Serui DEI,

R E G N I P O L O N I Æ

P A T R O N I,

B. I S A I Æ B O N E R I.

Sacræ Theologiæ Doctoris, Ordinis Ere-
mitarum D. Augustini:

In Basilica D. Catharinæ Virginis & Martyris,

C A S I M I R I Æ

AD

C R A C O V I A M,

Publica Panegyri

C E L E B R A T V M,

AD

Casimiro de Teczyn Tarlo Palatinida Sando-
miriensi, in Alma Academia Cracouiensi
Philosophiæ Auditore.

Anno Floris Nazareni in campo Berhleemitico Nati M.DC.LXXI.
VI. Idus Februarij.

CRACOVIAE Ex Officina SCHEDELIANA S. R. M. Typogr:



Princeps ordinantis simulacrū DEI
 est, qui non Phidiam requirit fin-
 gentem, nec Polycletum vel Myro-
 nem; sed semet ipse ad effigiē DEI,
 per Virtutem componit: qui ue re-
 ligiosus iustitiam colit. *Plutarchus.*

ILLVSTRISSIMO CELSISSIMO ac REVERENDISSIMO,
P R I N C I P I,
D. CASIMIRO FLORIANO
D V C I I N K L E W A N
C Z A R T O R Y S K I.
Dei & Apostolicæ Sedis Gratiâ Episcopo Wla-
dislaviensi & Pomeraniæ;
PATRONO MEO AVGVSTISSIMO.

P Rinceps florum, vnto solitudinis Augustiniana, LILI-
VM BONERIVM ambit impensius Regale pro Vireto
Eremitico, Regij Cataphracti Tvi Scutum, PRINCEPS
ILLVSTRISSIME, CELSISSIME, REVERENDIS-
SIME. Latior quippe in terris poscit campum, vbi iam celos
odore impleuerit; ignara est amplitudo virtutis, angustis circum-
scribi limitibus, cumq; astra possederit, ad ima non habens quò
altiùs ascendat, descendit, ampliorem in dies quarens ac reperi-
ens tractum. Nec commodius ex Casimiritana Eremo FLOshic,
sanctimoniam & miraculis, plurima iam per lustra vernans, aliò
transferri potuit, quàm ad CASIMIRVM, quàm ad FLORIANVM,
cuius non otiosum nomen, ver amœnum, autumnum frugiferum,
admirandam virtutum adorem refert continuò. Rectè admo-
dum MAGNI AVRELII, non minor propago Beatus ISAIAS BONER, ad
TE quibusuis literis imbutum Principem, sui per Religionem Parentis, D. Au-
gustini familiarem diuertit: seu victori inuictissimo EQVITI TVO IAGEL-
LONIO, tot palmaribus laureis onusto, quot triumphis in fortitudine GEDIMI-
NORVM, OLGERDORVM, IAGELLONVM, KORYBVTHORVM, KORETIORVM, in-
clyto herbam porrecturus: seu inermi Regnatrici Planta sue, decus & præs-
idium, apud Regium sanguinem TVVM aucupaturus. An non vltro properaret
eò laureata pietas BONERIA? vbi hereditaria sanctitas moresq; castissimi,
eruditio præcelsa admirationem cum imitatione, huic sæculo, exemplum fameq;
materiem posteris struunt exactius: vbi Theologorum Phœnix nidum, Philo-
sophorum Antesignanus Peripateum locasse, diserti efficaciter anima Periclis,
dulcis genius Isocratis, Romani Apollinis, Latinarumq; Musarum sublimis spi-
ritus, altam construxisse Maiestatem creduntur non dubie. Prima porro Re-
ligionis cura, in TE PRINCEPS ILLVSTRISSIME eminet eò notabilius, quòd
hodie non pauci politica insignes prauitate, Religionis nomine, tanquam vela-
mine abutuntur, & prout expedire visum fuerit, cælum & astra in partes
vocant: TV cunctis Religionem præponis, cuncta officio Pastoralis postponen-
do, Diuinitati propiores, cordi TVO proximi sunt: nec diuerso gestientis ani-
mi affectu, ab aspectu TVO atq; à templis arisq; discedunt, vota pro sua nuncu-
bantes indigentia. Tanta Religio! tanta Pietas TVA! hæc IAGELLONII EQVI-
TIS TVI

TIS TVI currentis an volantis ad decus aeternum via: hac legitima apotheosis,
 quā non extincti sublatis, ē gremio mortalitatis, sed viui & videntes do-
 nantur Principes. Eruditionem verò TVAM, prouidorum in Senatu Regni consilio-
 rum officinam, quis eruditorum stylus: quod facundum os explicare dicendo
 exequabit? magnitudo eius tanta est, vt oratorium captum & conceptum su-
 pergrediatur, nec facile verbis exprimi possit. Agant potiùs oratorum partes,
 ipsa cultissima virtutes ipsaq; loca, TVIS virtutibus & insulatā doctrinā tan-
 tō vberius excolta, quantō velocius praeueniens annos, in quibus erat iuuenile
 nihil, prater etatem, conscius virilis sensus, maximis rebus ac negotijs Eccle-
 siae ac Reipublicae admodum esses, anteq; tricennium meritō Sedem Posnaniensem
 Pontificio ascensu superares. Non obtendat umbratile silentium, culmen Va-
 uelli copioso splendori, ē disertio ore Tuo promananti, quo triplex illius Diade-
 ma hodie quoq; radiat. Extollant mania Craci Apostolicam vel Szczepanoviae
 consonam vocem TVAM, cuius Echo sonat adhuc dulce, intra Vauelli saxa, ē
 quibus Gentilitius EQVES an EQVVS TVVS Pegaso praestantior, fontem Insu-
 lati Honoris elicuerat, inexhausti laboris refrigerium: dum Te hinc trinā re-
 dimitum coronā, ad Insulam Posnaniensem, ab illa ad Cuiaviensem portaret
 gloriosē; nec dum quiescens ad altiora efferre contendit; maiora namq; prae-
 mia deberi maximis TVIS in Ecclesiam & Patriam meritis, bene ex communi
 fama didicit; quanquam tot baiulos ad famam ac fastigia honorum habes IL-
 LVSTRIS PRINCEPS, quot militares animos fatali nexu ad distrabendam
 Regni integritatem colligatos, difficillimo ac tristissimo illo tempore, prudenti
 solertia, solerti dexteritate atq; suadā, veluti Superum Nuncius prodigiosē dis-
 soluisti, tumultuarijs malēq; sanis mentibus ad frugem & tranquillitatem redu-
 ctis. Non dissimilem Curtio Romano Gentilitium EQVITEM TVVM, immo Pa-
 trem Patriae, tota credidit tunc Sarmatia, cum sese ille animosus omnisq; for-
 midinis expers, in medium seditiosi Martis & furentis Bellonae, tanquam in ter-
 ribilem hiatus, pro Ciuium salute ocyus immisisset, Remq; Poloniam adeo deprae-
 dicando ausu feliciter restituisset: Cuius ego augustas laudes, tardiori penna
 mea nondum magnis laudibus assueta minimē assequi valeo, reluctantē prae-
 terea conatui meo TUA modestia: quantō enim magis laudanda patras, tantō
 minùs laudari exoptas, solaq; TIBI virtus pretium, praeium, & orator; o-
 mnia in conscientiam, nihil in ostentationem refert, neque praeclarē factorum
 à fugaci populari aura mercedem, sed ex ipsis aeternum duraturis gestis au-
 cuparis. Probatum Calitibus tanta virtus, quam sibi patrocinari in BEATO ISAIA
 poscunt: non alibi vernare decentius Rex FLORVM eligit, nisi in Augusta CA-
 TAPHRACTI TVI Pelta, nitido quoq; LILIO affinis TVI IAGELLONIDAE D. CA-
 SIMIRI diu inclita. Potietur auguror voto suo B. BONER, votis TVIS pro-
 sperrimos euentus, honorum accessionem calitùs certō allaturus, magnumq; no-
 men maximi Paterno Maternoq; Sanguine Principis, utroq; Maiestatis Re-
 gum Poloniae ac Bohemiae participis, sideribus illaturus. Ast cum BEATI causam
 ago apud Te ILLUSTRIS PRINCEPS, mea non immemor, beari Tuo fauo-
 re feruenter ac demissē exposco, vt quem communio sanguinis, naturaq; Sacra-
 mentum TIBI arctius adstrinxit, ac in TVVM ex integro adsciuit, gratiae firmi-
 tudo retineat firmiter, quā obligatus à Tuo arbitrio nullatenus amouebor.

Illustrissimae ac Reuerendissimae Celsitud: TVAE.

Deuotissimus Nepos ex Sorore

CASIMIRVS de Teczyn TARŁO, Palatinides Sandomiriensis



PANEGYRICVS



Loridam & venustam hortorum faciem speciemue, inter brumalis Idus Februarij, vernanti seu oculo seu animo spectare, prodigium creditis A. D. Damnata enim ad hyperboreas frigidi Aquilonis oras, potens & imperiosa natura, duræ hyemis tyrannico subiecta imperio, ingeniosæ artis, & artificiosæ libertatis circa depingendum eleganter globum terrestrem, aut penitus obliuiscitur, aut obliuisci cogitur. Et apud quas nunc Arctoas gentes gelu rigentes, obrutas pruinis, fructiferæ arbores hortiq; florent, prata rident, campi rutilant, agri germinant, sylvæ ac deserta videntur. Temporanea hæc mundi in tempore conditi forma an felicitas, cum labenti verno tempore abiit perijtue, breui nata, breuius durasse edocuit. Quocunq; oculos vago & curioso aspectu circumferemus, nullam elegantiam, nullum cultum, decentis & delicatæ Floræ mirabimur læti: immo vultu suspenso, mente stupefacta despiciemus, viridaria squalida, prata mærentia, arua rigentia, horrida deserta, atras solitudines. Extra paradoxum tamen, sub ipsa Arcto, media hyeme ver hodie est, illudq; etiam decantato per fabulas Elysio insuetum, lætis Tempe inauditum, florentibus oris Libycis neutiquam visum. Apparuerunt hodie flores, veriùs Florum Reges, LILIA BONERIA, in Augustissima Eremita Augustiniana: ne vel solius Alexandri Medicæi Ducis Florentiæ, floridus celebretur per historias hortus, ob e-rumpentes V. Idus Ianuarij, fatali omine, omnis generis flores, quibus nullum inferendum esset encomium, cum vix apparentes illico disparuerunt, amissaq; momentanea venusta-

B

nustate, inamissibile dedecus fugitiui decoris retinere: quantum enim sibi in amœno exortu accessit lætabundi stuporis, tantum in funesto occasu decessit splendoris. Porro tam lugubris quam subitanea eiusmodi catastrophæ, à Gentilitio LILIO BONERIO bene aliena est: viget illud floretq; in Florentissimo D. Augustini Vireto, ad immarcescibilem sacræ Solitudinis virorem ac pulchritudinem. Iucundum quocirca fore auguror vobis sentire spectareue: mihi non acerbum, tum narare tum monstrare umbratili Orationis meæ stylo, FLORIS adeo excelsi eximiq; B. ISAÏÆ BONERI, optimum candorem, mirificum odorem, atq; virtutem prodigiosam: annuetis credo ver hodie esse, vbi vera narranti solidè benouolam dederitis aurem, quam deprecor; approbabit non sine voluptate fidereum planè sacræ solitudinis cultum, vbi attentam pergrata amœnaq; monstranti impenderitis mentem, quam mihi non dubius spondeo.

Prosperitas Candoris pedisequa est. Non cespitat in umbræ seruitutis, cui sublimis & illimis Candor, facem ad libertatem dignitatemq; præfert. Æthiopibus & Indis ij maxime reges creantur, quibus potissimum formæ dignitas, primarius Elector suffragatur, ipsa venustate pro albo stante calculo. At cælitibus quoq; vsu venit, regia nam Cælestia munera, pulchritudine præcellentibus ultro elargiri. Niueus Ganymedes, Iouisq; Pocillator, & illud è nubibus ad ima hæc deuolutum insigne regium, pomum aureum, cum epigraphe an epiphonemate? Detur pulcherrimæ fidem argumentumq; facit; quanquam satis dictioni meæ authoritatis aduenit, à Tuo Gentilitio B. BONER, Candido LILIO, per FLORIANVM BONERVM magni nominis Parentem Tuum, inserto niuib; Sarmaticis Lechicoq; Solo, ex Gallico Solio, transplantato, fauente plurimum Philippo Rege fortitudini Boneriæ Anglicanas vires concutienti & frangenti gloriosè. gaudebat vehementer Polonia & Lithuania suisq; Campis tam culti FLORIS decorem, seriò gratulabatur, aliter Superis de illo ordinantibus, cuius niueam innocentiam intantum adamauerant, vt vix aliquot lustra florere illum per
ante-

anteriorem propaginem in solo Sarmatico concedentes,
primùm in Te ô Diue DOCTOR veluti in com-
pendio Familiæ, ad Eremum Augustinianam, vbi

.... *Inscripti Nomina Regum*

Nascuntur flores:

post ad Cæleste, æternitatis viretum cumulatim transferrent
exultantes, quibus etiam insuetum diu carere iis, quæ æ-
ternis prosequuntur amoribus. Quidni velocius absq;
mora pateret ad Lilietum Diuorum, via lactea Innocentissi-
mo FLORI non ex fabuloso Iunonis lacte, sed ex heroico
BONERI optimè de Regno nostro meriti viri, & illustri Lanc-
koroniorum Sanguine prognato propagatoq;? cum nul-
la vnquam letalis noxæ fuligine adpersus nulla coinqui-
natus labe, ad stuporem sui sæculi, albesceret ac niteret;
non cum infernalis Boreas gelido frigore acediæ, aut in ma-
ligno positus Sirius mundanus, impio fœdoq; ardore affecit
adulsitue aliquando. Adstruant cæteri Liliis pretium &
formam ab auro & arte, a commentis & adulatione: suum
D. ISAIAS nulla re magis voluit, curauit, quàm elegantiam can-
doris, puritate animi, innocentiam morum, niueam sanctitate,
præstare excellereue. Supra omnia telluris inquinamenta
ipse eminebat, ipsi cælo candore suo congenito gratus &
commodus odorem daturus, à cælo honorem, felicitatem,
gloriam, vltra gloriam sapientissimi Solymæ Regum abun-
dè recepturus, vt nouum hinc assumat mundus argumen-
tum, è Cælo potius venisse LILIVM BONERIVM, cū tanquam
peregre terras inuisens, ocyus ad supremos Superum hor-
tos transplantatum est, quò sola attingit admittiturq; puri-
tas, vbi solus æstimatur dominaturue candor. O permū-
dum LILIVM! O FLOREM nitidissimum! quàm iucundè o-
blectat oculos, recreat animos, penetrat admirandā pulchri-
tudine pectora, exhilarat deuotas mentes, candore inteme-
rato. Metus est apponere ei epigraphen languenti flori
adiectam olim à quopiam; Forma breuis. Perpetua enim
LILIO Augustiniano maiestas ac venustas, tantumq; huic
propria & æterna, quantum reliquis communis & horaria.

Pudeat hîc intemperantiùs iactare, an acerbîus insultare
Satyricum vatem; Stemmata quid faciunt? B. ISAIAS pri-
mæ origini suæ candidoq; Stemmati concolor, niveam
semper retinuit innocentiam, quam & si non accepisset à
maioribus hæreditariam, certò fecisset ipse, extra omnis pæ-
niè vitii periculum viuendo, intra limites probitatis confi-
stendo; vnde constat à prima infantia Candidatum illum at-
q; hæredem fuisse Paradisi: vrbis noxas non quod nosceret
fugit, sed ne agnosceret declinavit, Sacramq; pro Elyfio D.
Augustini solitudinem, vnicè incoluit viuus, ne post fata
profanam multitudinem vitiorum sæculi, coluisse dicere-
tur; cum certius non aliunde testimonium, anteaetæ vitæ
obuenit cuius, quàm à tumulto & sepulchro, extincta sepul-
taq; adulatione & inuidiâ, magnarum ac nobilium virtu-
tum maximis hostibus. Atq; iam peraugusto Candore
LILII BONERII delectatus, Diuinum Cælestis pietatis odo-
rem sentio ex eodem perabundè: diffunditur in omnes, ne-
mini non acceptus, vno loco Eremitico minimè coarctat-
us, totam complens & reficiens Europam: latere nequit
quod publico Soli & vtilitati, Superûm arbitrio datum con-
cessumue. Non ego hîc ambio vestra thura molles Sabæi
pictiq; Arabes: LILIVM BONERIVM thure vestro multò fra-
grantius amo; excedit pietas omnem hortorum fragrantia-
am, viq; suâ quasuis nociuas vires & virus pellit, tollit, extinguit.
Quo enim D. DOCTOR pestiferos inferorum halitus,
contra suum intaminatum spiritum exhalatos, vt sæpius i-
ta efficacius repressit? Odore pietatis. Qua arte vecordes
Momos, mordacesq; Zoilos suæ inedia, vigiliæ, noctium
insomnium, tolerantia laborum & aduersorum, animosus
perstrinxit? Odore pietatis? Quo robore iniuriarum, con-
temptuum, illusionum, iuratas & armatas acies, contra iner-
mem quia innocentem vitam (non munivit enim natura
spinis Lilium) cum triumpho crebriore dissipauit? odo-
re pietatis: Quod antidotum vesanæ ac rabidæ detrahen-
tium, cauillantium, vellicantium, mordentium censuræ
opposuit & apposuit? ODOREM Pietatis. Sensisti ô Diua
Potens.

Potens Cæliq; Imperatrix MARIA, iucundum sanè odora-
mentum perquàm grati huiusce FLORIS, integris pænè dieb9
noctibusue, Tuam ante aram, his in ædibus intima cordis
suspiria deuotissimè exhalantis. Sensistis Administrato-
rij Supremæ Maiestatis Spiritus, toties in àëra præ dulcedi-
ne odoris, LILIVM EREMITICVM tollentes, illudq; Cælo cum
palmarum concentu introducere identidem contendentes, ut
pote dignum superno Capitolio Iouem, ni terrena iusta
vota obstitissent, natumq; FLOREM ad Lechiæ decus & præsi-
dium detinuissent. Sensisti & Tu Illustrissime Zbignee
Lanckoroński Regni Marschalce (ut reliquos taceam)
eundem sacrum odorem, quo ut ad satietatem fuisses re-
creatus, è Regia ad Eremiticam migraueras casam, ipsos e-
tiam Diuos Indigetes in sacris Ossibus eorum, huc Tuâ cu-
râ & liberalitate illatis, Tuæ fortunæ odoriferæ, faciens par-
ticipes: ne bonum hoc à deo diffusuum solis indigenis cõ-
mune haberetur. At non sine testibus, vestrum ante tri-
bunal sistitur BONERIA pietas: nulla quidem illa suspicione,
in hunc usq; diem laborat, per non leue sæculum notis-
sima ac integerrima: sed ut Cherubica, altior nimirum hu-
manâ credatur, supremo elemento, igne flagrante compro-
batur, tantò certiore teste, quantò puriore, aut ab omni af-
sentatione, communi auidis mentibus vitio, alieno. Mira-
narro. Fecerat D. DOCTOR pingi coloribus binam Secun-
dæ ab vno Trinoq; DEO VIRGINIS DEIPARÆ imaginem mæ-
stam ac latentem, hanc ad templi valuas, illam supra verti-
cem ingredientium cœnobium, vtramq; in peristyllo ad cu-
stodiam & præsidium habitantium, ut Viretum Augustini-
anum paradiso felicius habeatur, tantis excubijs longè cel-
sioribus quàm Cherubicis beatum: aut ne LILIVM MYSTICVM
inter Spinâs conspiciatur amplius, horto Augustiniano de-
center insertum. Si fas est D. DOCTORIS penitus assequi
mentem: Speculum ille, originalis actualisue maculæ ex-
pers, in ipso exposuit aditu, tanquam ex eo & in eo illam
vitam Eremiticam orbi publicaturus: vel quia sic decebat
Purissimam FLORIS NAZARENÆ PARENTEM prima in arca ante
fam-

famulantes suo honori Flores collocatam esse, ut decora multum, etiam in ipsa fronte solitudo conspiciatur: **FORMA DEI**, primo in limine consistente, siue venustam hæreditatem ab ipsis primordiis capiente, à qua nec per igneam violentiam dimoueri se fuit; Secuta enim Casimiriæ clades fortè, an Superum irâ, omnibus quæ huic urbi per furorem Vulcani acciderunt, grauior atq; atrocior. Impetum firmatum peruagatumq; incendium, plana primum deinde in edita assurgens, rursus depressa populando, tam magnifica quàm sine arte, singularia comprehendit ædificia, atq; remedia velocitate an violentia mali anteuit. Obstinebat effusa vndiq; multitudo, ut cuiq; præsens aderat ingenium, aut pauore non correptum robur: pars flagrantia tecta distrahere, pars fumantia inconsulto ausu, leui vel nullo auxilio scandere; neq; tamen fisti potuit, & si hi volantes scintillas incendiorum coryphæum reprimebant, illi aut fido obsequio fortunam herorum, furentibus flammis eripiebant, aut nefaria lucri cupidine furtum faciebant. Alij quantum erumpens permetteret flamma, cum hydrijs & siphonibus accurrere propius, superfundere aquas: quidam manus protendere, vias complere, pauentes trahere, inualidos opperiri, quæstibus, lamentis, votis, clamore diuersa rogantium, vel incerta respondentium, strepitu corruentium ædificiorum, omnis ora compleri igneq; relucere. Multi è præstantioribus ardore correpti extinctiue, plurimi de inertis vulgo, ignescente mole obruti, iusta funebria ritu quasi antiquorum, suo casu sibimet in ferali busto faciebant, prælucentibus ad immortalitatem tot facibus, quot ædes haurirentur; verum

Quis cladem illius fati? quis funera fando

Explicit? aut possit lacrymis aquare dolores?

— — — — — *Crudelis ubiq;*

Luctus, ubiq; pavor, & plurima mortis imago.

Haud minus illo tempore ineluctabili miserabiles Casimirani, quàm quos ferox Annibal circumfedit, aut Troianum fatum comprehendit, Sinone incendia miscente. Latè

porrò

porrò vagatus ignis sacra profanaq; non distinguens, corripuit omnia, absumpsit multa, cui nec domus munimentis septæ, nec templa muris cincta, aut quid aliud moram interijciebat. Augusta hæc Basilica toto cum Cœnobio, ardentem quoq; intra se recepit Vulcanum, cunctaq; sua vel inuita eidem sacrauit, labentibus suspensis fornicibus, manentibus verò intactè solis illis duabus imaginibus AVGVSTISSIMÆ Cælorum REGINÆ, quas B. BONER in parietibus exprimere allaborauerat. Ita effigiem MARIÆ ignis reueritus est. Ita pietatis BONERIANÆ opus, æternitati elaboratum de excidio triumphauit, huncq; in diem captiuas supplicantium ducit calamitates, paciferæ ramum oliuæ donans accurrentibus. Cedite arroganti lusu operosæ manus Appellis vel Phidiæ, Lyssippi vel Zeuxis, ipsi tantum antiquitati stupenda artificia: in comparatione Artis BONERIANÆ, nihil in vobis stuporis, nisi quòd in æuum exstructa, diuturna esse nequiuistis, edaci rerum temporis in pabulum concedendo. Quid enim? Ægyptia Memphis pyramidum miracula ultra veritatis orbem extollis? Insolenter pendentia mausolea, ambitiosi Cares iactatis? Operosi Iones fanum Dianæ arrogantius ostentatis? vmbram scilicet soli & noctis caliginem, luci diurnæ præfertis aut opponitis.

Fastigiata Pyramis,

Memphiticis in oris,

Tam plana facta casibus,

Quàm campus est cylindro.

Septena qua miracula,

Factabat ante mundus.

Septena sunt ludibria,

Et nobiles Chimæra.

Velata quæ sunt rudetibus, assentantium turba argumentum pessimi, non amolitur: fatius rectiusue BONERIVM

Vnum pro cunctis, fama loquatur opus.

Neq; verò vnico odore LILIUM BONERIVM inclytum arbitremur; alterum haurio, sublimis scientiæ, eruditionis præcellæ, eruditæq; sapientiæ, utrâq; Laureâ, in Alma Vniuersitate

fitate nostra Cracouiensi exornatæ; amant utiq; & Flores a
doctis Camœnis coronari, quas mutuò crebrius redimiunt,
ut vel hac pompâ victrices liuidæ ignorantix monstren-
tur colanturue. quanquam Academicæ Laureæ, palmares
coronæ vel ante pugnam fuerunt, Magno Heroi BONERIO,
contra Hufsitana colluuiem Pragæ, contra vagantes Schi-
smatum turmas, in Concilio Constantiensi, ut constanter ac
strenuè decertanti, ita prudenter ac subtiliter disputanti,
anteq; victoriam, de rebellibus animis, victori triumphan-
ti; non enim tardant præmia, accelerantibus procul morâ,
dubio procul, virtutum operationibus. Auxisti Eruditissi-
me FLORVM, literarum ac monumentorum famâ conspi-
cua, scientificam odorationem augmento foliorum, tot mi-
racula inuoluentium, quot arcana DIVINÆ TRIADOS CONCIN-
nè explicantium. Vnde patrisfare Te, nemo negabit dum
mentem ac ingenium Patris Tui Phœnicis Doctorum re-
fers. Auxisti quatuor voluminibus sensû Magistri senten-
tiarum, probè admodum deprehendentibus, stabilemq;
doctrinam Romanam, per quatuor plagas orbis diuulgan-
tibus. Auxisti beatâ dicendi copiâ atq; vbertate, ferreos
vitiosorum animos emolliente, & plusquàm glaciali con-
strictos algu, in tam gratos cælo, quàm vberes torrentes la-
crymarum, non rarò soluente, intonando frequentius,
more tonantis ac fulgurantis Periclis; *Temps breue, in-
dignum difficile!* Tantus nihilominus eruditæ doctrinæ o-
dor D. DOCTOREM, ad spontaneam abiectionem deprime-
bat suauiter, non ad elatæ mentis tumorem erigebat violent-
ter; ad humilem de se sensum alliciebat, non ad arrogan-
tem opinionem impellebat, ad ima profundæ humilitatis
ducebat, non ad edita assurgentis per inane superbiæ cul-
mina efferebat; eruditus ipse pallor, virginali rubori infu-
sus, vigilatis ad libros noctibus attractus, fessi in operibus
oculi, cadentia supercilia, comitatem, modestiam suade-
bant spirabantue. Ea namq; LILI & si cuiusvis maximè
tamen EREMITICI, natura ac indoles est: ut ponderosum
caput versus terram inclinet, languidoq; collo nec veluti o-
neri

neri capitis sufficienti, edoceat spectantes; leuia multum
& vana illa esse capita, quæ erectæ ac supinæ insidendo cer-
uici, superbum continuo inter astra circumspiciunt louem;
quare non nisi fuisse Tarquinij demetenda, cum nec rectè
regi, nec regere valeant, nata ad fumum non ad obsequium
imperiumq;. Considerandæ tandem virtuti prodigiosæ,
de thaumaturgo Augustiniano LILIQ affatim dimananti,
immoremur libentiùs; thaumaturgum dixi REGIVM FLO-
REM, nec affirmans hæsito. Enimvero prodigium est, ab
occasu tractæ, ad ortum erectæ firmæq; valetudinis per-
ducere grauitè affectos; perduxit LILIVM BONERIVM. Pro-
digium est, è caligine in solem, depulsa animi corporisq;
cæcitate, identidem utroq; lumine captos educere; eduxit
LILIVM BONERIVM. Prodigium est, rapidis haustos vndis,
victimam furentis Neptuni, in littore vitæ ac salutis tutò
collocare; collocavit LILIVM BONERIVM. Prodigium est, fœ-
da elephantiasis fœdatos, syncope, epilepsiâ, & quouis in-
sanabilium genere morborum laborantes, formæ restitue-
re, copiâ virium cumulare; restituit cumulavitq; LILIVM
BONERIVM. Prodigium est, de limine agentium animas,
trucem Libitinam fugare, vitam quâ carius nihil fugien-
tem detinere; corpora mortalium è dominio infernalis ty-
ranni, & eius arcta obsidione vindicare efficaciter, alia fata-
li sepulchro iam iam includenda, cedente anima naturæ,
aurâ iterum viuidâ, luceq; vitali donare; donauit, vindi-
cavit, derinuit, fugavit LILIVM BONERIVM. Prodigium est, in-
extinguibiles purgatorios ignes extinguere, captiuosq;
spiritus æternam in libertatem asserere, ac blandis in regio-
ne beata exponere Zephyris; asseruit exposuitue LILIVM
BONERIVM. O FLOREM prodigiosum! O cælestem FLORIS
prodigiosi virtutem! O virtutis pænè Diuinæ magnitudi-
nem! vestra hæc Religiosissimi Patres ex integro gloria
est, vestri Eremitici Horti Florentissima Panegyris, quam
augent præterea vberimè, exornant venustissimè, loquun-
tur vel in meo silentio copiosissimè, innumera reliquo-
rum agmina Florum:

*Quos neq; frigoribus Boreas, nec Sirius urit
Æstibus, aeterno sed veris honore rubentes,*

Fons limpidus Diuinitatis, gratæq; Diuini Pneumatis Charites; vndâ abundantis pietatis, nec mediocris scientiæ religiosæ, donorum naturam supergressorum, irrigant luculenter, educant decenter, fouent conuenienter: vnde tam piæ quàm eruditæ pascuntur apes Catholicæ, legendoq; cultissima præta,

— — — — — *mella tenacia fingunt*

Heliconijs, Hyblæis, Hymetijsq; dulciora & puriora in pastum nobilem, vniuerso quâquâ latè patet orbi Christiano. Video hîc læto animo, decora triplici diademate, tria Lilia solo VATICANO distincta a BONERIO. Video rubentes & albicantes Rosas, multicolores Violas, stant ob oculos immortalitatis, perspicui Narcissi, purpurei Hyacinthi, MAGNI AVRELII summa decora, Adonidi, Alcino, Tantalo, Cyro, Tarquinio, Catoni Censorio ac deniq; Syllæ, fabulosis verisq; Hortensijs inaudita. Intuemini adoraturi simul Gelasium, Paschalem, Amedeum, mortalium Pontificumq; Summos, equidem coronatâ Liliâ intuebimini veneraturi. Circumspicite Agidium Canisum, Alexandrum de Oliua Saxoferratensem, Bonauenturam de Peraga, Franciscum Regiensem, Supremos Romanæ Ecclesiæ Senatores Purpuratos; Hyacinthos purpureos circumspicietis. Colligite Agidium Columnam qui Angelicum Præceptorem contra impudentis temeritatis impetum, & temerarium obstrepentium ausum, suo Defensorio validè fulciuit, accerrimè defendit, atq; in Concilio Viennensi tanquam magni Consilii Angelus pro ytraq; Ecclesia, militante triumphanteq; sapienter & gloriose militauit, bellauit, triumphauit. Considerate Paulinum Bertum, qui Beati Alberti Magni vniuersa opera typis mādauit, suæ magnitudinis in re literariâ mensuram & prototypon facturâ. Spectate cum stupore animi Thomam Penbettum, non vulgaris acuminis, incomparabilis memoriæ virum, qui auro pretiosiora Subtilissimi Doctoris opera, gazophylacio memoriæ suæ penitus inclu-

incluserat, eaq; in publicum per impressionem dederat:
 veluti par Atlas Diuino Subtilium oneri sufferendo, cui e-
 tiam leuiter mouendo, cum quidam immaturi Stoici non
 sufficiant, oderunt immeritò, ignorantes quale esset quod o-
 derunt, simulq; vt desinunt ignorare, cessant & odisse;
 Narcissos claritate Sacre doctrinæ perspicuos, colligetis,
 cōsiderabitis spectabitisue. Memorare per gaudium D. Tho-
 mam à Villa noua, Alphonsum de Orosco, Ambrosium Cale-
 pinum, Fulgentium, insignes quos illa ætas vidit oratores;
 Cornelium Curtiū, Dionysium è Bugo Hetruscum, Henricum Hē-
 riques, nobiles Pòetas, sublimes Theologos; multicolores
 Violas memorabitis. Numerate excedentes numerum e-
 xercitus Martyrum, vniuersas hæreses ac idola strenuè di-
 ruentium, suoq; eadem sanguine inundantium; rubentes
 Rosas numerabitis. Reperite *Augustinas, Eleonoras, Bene-
 dictas, Constantias*; Rosas vitæ puritate albicantes reperetis.
 Animaduertite demum alijs in areis, alios concinnè dispo-
 sitos FLORES, soli q; tantum æternitati perconsendos atq;
 nominandos. Ex hac parte nitet *Reuerendissimus Cal-
 ui* Montis Lechici *Ioannes Abbas* huiusce quoq; cœnobij
 nulli in sanctimonia postremus Prior. Ex illa viret in po-
 sthuma recordatione ob immarcescibile sui nominis glori-
 osi famam *Stanislaus Iendrouius*, Inuicti Herculis Sarmati-
 ci, *Stephani Poloniarum Regis*, Theologus. Ex hac floret
 iucundè *Gregorius Ilcusanus*, opum in visceribus terræ Ilcu-
 siensis abditarum, inuentor demonstratorue prodigiosus,
 Rem Poloniam ditans etiam hodie, semper verò erudiens
 posteros, longè plura atq; nobiliora reperiri ab ijs, qui multa
 seu modica Numinis amore spontè amisere: aut Religiosā
 inopiam thesaurum esse Regnorum incomparabilem. Ex
 illa parte *Ludovicus Legionensis* nobilis generis literarumq;
 decore præfulgens, oblectat gratanter *Carmelum Marianū*,
 gemmam eius & decorem, mores nimirum & aëta propè
 Angelica, Virginis Marisq; Seraphicæ *Diua Theresia*, cul-
 to calamo, pari ingenio circumscribens. A dextra visuntur
 per sublimium intelligentiam rerum eleuata Heliotropia, lu-

men indeficientis Orthodoxæ scientiæ, intrepido passu comitantia *Angelus Rocca*, *Onuphrius*, *Cornelius Lancilottus*, pleno similium comitatu circumfusi, *Amalthææ* Vaticanæ fidissimi usq; nunc vigiles, & indefessi amplificatores. Lævam exornant lætissimè, multâ Imperatorum gratiâ inclyti *Albinus* & *Felix*, hic *Ferdinandi*, ille *Caroli Magni*, quem eò prudenti suasu inclinauerat, ut Parisiensem atq; Papiensem Academiam, impensis non modicis erigeret, dominiij & Musarum æqualem gerens curam, cum illius salus & dignitas in harum integritate consistat resideatue. Longum foret & si peramœnum, tam exiguo temporis spatio, singulas Viridarij Augustiniani venustè virentes formas referre, quibus septuaginta planè sacri Ordines Religiosi, tanquam septuaginta Ephraim nati, aut Diuinæ mentis sacro textu velatæ internuntij, gloriântur. Non magis profectò nitent illi astrorum ignes in serena nocte, quàm hi Aureliani scintillantes micantesq; variè Flores. Quanta hic amœnitas? quantus splendor? quantum Rei Catholicæ decorum & commodum? Quid primum voueam? oculos Argi, an olfactum Catulli? adeo utrumq; sensum pariter permulcet mihi hæc sacra voluptas. Ite, ite omnes Arabi odores! Perite, perite Semiramidis aërii pensilesq; flores! & Masinissæ nouus ac celebris Africa mirante cultus, qui nausea mihi præ halitu hoc ingenuo, cultuq; eximio & verè cælesti. Vertat aliò stylum Satyricus, immo accinat plausibilis tot splendoribus præstanti Eremon;

Hic semper Viola semper quoq; Lilia florent,

Nec riget amissâ spina relicta Rosâ.

Piaculum est, æquè sanctitate ac Ecclesiastica dignitate florentem quouis sæculo, Solitudinem hanc irreuerenter attrectare. Absistant inde, absistant picti lacerti! non fucatum nomen alienum improbè lacerantes, neq; luxuriantes pecudes,


— — — — — hadiq; petulei,


Floribus insultent:

quorum maiestas, omnes artificum labores supergressa, ut
cordi

cordi est ita curæ, vindici Supremæ Maiestati, insolentes conatus & ausus, funesto supplicio crebrò mulctanti. Nec mihi quoq; fas est, adeò splendidam & Augustam Floræ Augustinianæ Maiestatem exili suada latius explicare, cū neq; vnico FLORI BONERIO, bene vt par est deprædicando sufficiam: proinde languenti præ suauitate copiâq; odoris eloquio, silentium impono, extremam vt & primam vocem, TIBI O D. ISAÏA! cum pronis votis consecrando; adnecte thaumaturgum LILIVM TVVM SERENISSIMÆ LVNÆ KORYBTHEÆ, adauge lucem candore; gratiam vigoremq; longæuum, odore; imperterritam fortitudinem, robur validum virtute prodigiosa; ad interpositionem LILII TVI, deficiat ac perpetuam patiatur Eclipsim Luna Othomanica: intereant famosa Thraciæ, Asiæ & Africæ monstra, refulgeat refloreatq; Lechicum nomen, per fortunatum Candidi atq; floridi Stemmatidis TVI omen; nobilissima terrarum Polonia, tot iam annos ferro atque igne mixta, diris cladibus lacerta, cuius pars per Threycios acta canes, inter barbaras gentes raptatur, pars nondum expiatis vncta cruoribus, incumbentem, à ferali Bizantini cæli Astro, tempestatem perhorrescit: priorem animum cum primæua virtute resumiat, melioraq; fata repetat; vastatæ Vrbes, directæ Prouinciæ, veteres ac dites familiæ ad egestatem redactæ, omniq; fortunæ culti destitutæ; pristinæ sorti, beatoq; sæculo restituantur. Tu verò Auditor Dignissime, tot Laureis, quot heroicis virtutibus coronate, Sertum præterea Liliaceū è LILII ET O BONERIO, ortum ac desumptum, in præmium moræ præsentis assume; Candidos semper dies, lætos nimirum felicesque atrâ mæroris nube pulsâ, diu continenter ac prosperè in eo celebraturus.

D I X I.





Biblioteka Jagiellońska



stdr0009368

